

საქართველოს კანონი

საქართველოს ადმინისტრაციულ სამართალდარღვევათა კოდექსში

ცვლილების შეტანის შესახებ

მუხლი 1. საქართველოს ადმინისტრაციულ სამართალდარღვევათა კოდექსში (საქართველოს სსრ უმაღლესი საბჭოს უწყებები, №12, 1984 წელი, მუხ. 421) შეტანილ იქნეს შემდეგი ცვლილება:

1. კანონს დაემატოს შემდეგი შინაარსის 153¹³ მუხლი:

„**მუხლი 153¹³. მეწარმე იურიდიული პირის პოლიტიკური აქტივობა**

1. მეწარმე იურიდიული პირის მიერ საჯაროდ ისეთი პოლიტიკური აქტივობის განხორციელება, რომელიც არ არის დაკავშირებული მის ძირითად სამეწარმეო საქმიანობასთან, –

გამოიწვევს პირის დაჯარიმებას – 20 000 ლარის ოდენობით.

2. ამ მუხლით გათვალისწინებული ადმინისტრაციული სამართალდარღვევის ჩადენისთვის ადმინისტრაციულსახდელდადებული პირის მიერ ამ მუხლის პირველი ნაწილით განსაზღვრული ქმედების ჩადენა, –

გამოიწვევს პირის დაჯარიმებას – 40 000 ლარის ოდენობით.

შენიშვნა: ამ მუხლის მიზნებისათვის პოლიტიკურ აქტივობად მიიჩნევა საქართველოს ხელისუფლებაზე, სახელმწიფო დაწესებულებებზე ან საზოგადოების ნებისმიერ ნაწილზე რაიმე გავლენის მოხდენის მიზნით განხორციელებული ან განსახორციელებელი აქტივობა, რომელიც მიმართული იქნება საქართველოს საშინაო ან საგარეო პოლიტიკის ჩამოყალიბებისკენ, გატარებისკენ ან შეცვლისკენ.

2. კანონს დაემატოს შემდეგი შინაარსის 229¹⁰ მუხლი:

„მუხლი 229¹⁰. სახელმწიფო აუდიტის სამსახური

ამ კოდექსის 153¹³ მუხლით გათვალისწინებულ ადმინისტრაციულ სამართალდარღვევის საქმის განხილვისა და ადმინისტრაციული სახდელის დადების უფლება აქვს სახელმწიფო აუდიტის სამსახურს.“.

3. 239-ე მუხლს დაემატოს შემდეგი შინაარსის 39² პუნქტი:

„39². ამ კოდექსის 153¹³ მუხლით გათვალისწინებულ ადმინისტრაციულ სამართალდარღვევის ოქმს ადგენს სახელმწიფო აუდიტის სამსახური უფლებამოსილი პირები.“.

4. 242-ე მუხლის 3¹ ნაწილი ჩამოყალიბდეს შემდეგი რედაქციით:

„3¹. ამ კოდექსის 55², 55⁵, 55⁶, 150², 150³, 151¹, 152-ე და 152³-152⁹ მუხლებით, 153³ მუხლის პირველი, მე-3 და მე-4 ნაწილებით, 153⁴ მუხლით, 153⁶ მუხლის პირველი, მე-3 და მე-4 ნაწილებით, 153⁹, 153¹³, 158³ და 158⁴ მუხლებით, 158⁵ მუხლის პირველი და მე-2 ნაწილებით, 159-ე და 159¹ მუხლებითა და 172¹⁰ მუხლის პირველი და მე-2 ნაწილებით გათვალისწინებული ადმინისტრაციული სამართალდარღვევის ჩადენის შემთხვევაში სამართალდამრღვევს გამოეწერება საჯარო ქვითარი, რომელიც იმავდროულად არის ადმინისტრაციული სამართალდარღვევის ოქმი.

5. 262-ე მუხლის მე-2 ნაწილი ჩამოყალიბდეს შემდეგი რედაქციით:

„2. ამ კოდექსის 171-ე და 175² მუხლებით გათვალისწინებულ ადმინისტრაციულ სამართალდარღვევათა საქმეები განიხილება 1 დღე-ღამის ვადაში, ამ კოდექსის 116-ე მუხლის მე-3, მე-5, მე-6, მე-8 და მე-9 ნაწილებით, 142-ე და 154-ე მუხლებით, 174¹ მუხლის მე-4, მე-6, მე-8 და მე-9 ნაწილებითა და 174² მუხლით გათვალისწინებულ ადმინისტრაციულ სამართალდარღვევათა საქმეები – 3 დღის ვადაში, ხოლო ამ კოდექსის 50¹, 51¹, 51³, 53³, 55-ე, 55², 55³, 55⁵, 55⁶, 58², 59², 61-ე და მე-80 მუხლებით, 86-ე მუხლის მე-9 და მე-10 ნაწილებით, 88-ე, 91², 92¹, 94-ე, 95-ე, 96¹, 96², 96⁴, 99-ე, 100¹, 100², 103-ე, 103² და 103³ მუხლებით, 103⁴ მუხლის პირველი და მე-2

ნაწილებით, 104-ე, 105¹, 107¹, 141-ე, 143-ე–144¹, 144³–144⁵, 144¹⁰, 145-ე, 146¹, 148-ე–150¹, 151¹, 152-ე, 152²–152⁹, 153-ე, 153¹³, 154¹, 154², 156-ე–158¹, 159-ე, 159⁵–159⁹, 163-ე, 164-ე, 166¹, 167-ე, 170-ე, 174-ე და 175-ე მუხლებით, 177-ე მუხლის მე-4, მე-5, მე-8, მე-12 და მე-13 ნაწილებით, 177¹ მუხლით, 177¹³ მუხლით (მხოლოდ ამ კოდექსის 245-ე მუხლის 4¹ ნაწილით გათვალისწინებულ შემთხვევაში) და 179¹, 180-ე–183¹, 185-ე–185², 187-ე, 187¹, 189-ე, 192-ე, 195-ე, 196³, 196⁶ და 197¹ მუხლებით გათვალისწინებულ ადმინისტრაციულ სამართალდარღვევათა საქმეები – 7 დღის ვადაში.“.

მუხლი 2

ეს კანონი ამოქმედდეს გამოქვეყნებისთანავე.

საქართველოს პრეზიდენტი

მიხეილ ყაველაშვილი